

# Bájkkeavijssa NuorttaSálto



**MIELLUSA.** Gálmmláges tjáhkkanin álmuktjáhkanibmáj mij lij Måsken bierjedagá bæssásjvahko ávddála.  
**ENGASJERTE.** Et trettitalls personer møtte opp på folkemøtet som ble holdt på Musken skole fredag før påskeuka.

## Rahte-niegov e luojte

Måskega li gárvvása vijdábut bargatjit juska hádjánin gå Sámedigge ittij loahpádusá milta bielle millijávnáv juolloda. Dát ávddán bádi álmuktjáhkanimen masi barggojuogos gáhtjoj bierjedagá bæssásjvahko ávddála.

Gálmmláges tjáhkkanibmáj báhtin ja moattes sijás báhtin ájnna máhkijn Ájluovtas jáhtelisvantsajn prosjektav dárjudittjat.

### Ájggu kulturmuojtojt ruvva tjáledit

Sámedigge le juollodam 300.000 krávná, ij 500.000 nav gák álgon loabedin. Tjielggidus le guoradallam biologalasj valljudagás ja kulturmuojtojt tjáledibme ij dálla tjádádusá. Dasi álmuktjáhkanibme murkestin.

- Vuostatjin vierttiji kulturmuojtojt tjáleduvvat ja vierttip ednamægádij guládallat gávnatjit jus li makkirak hieredusá ruvto milta ja jus soajttá máhttelisvuoda, javlaj barggojuohkusa nubbenjunnusj Nils O. Nilsen. Sån áhtsálij sámediggepolitihkkárijt ja sierraláhkáj vuosstebielev. Ienemus oasse oassálasstis lidjin vuorasappo ja nuora lidjin binneplågon. Valla danna lidjin aj vuorasappojs gudi li rahtev 50-60 jage vuorddám. Ja Kaja Andersen (84) lij tjielgas: - Muv vuostasj ájádus le álmuk. Vierttip iesj barggagoahtet. Vuostatjin vierttip ednamægádij tjáledit ja gullat jus sihti ednamav vaddet. Navti álgov oadtjop. Álmuk máhttá aj kulturmuojtojt tjáledit, javlaj, ja doarjoduváj tjáhkkanimes gen mielas lij buorre ájádus. Ávdeduvvin mårástime makkir kulturmuojtojt máhtti gávnat guovlon, ja nammaduváj dálusj rábo ma ælla tjáleduvvam. Juorruibme jus le fágallatjat nanos iesj tjáledit gatjáduváj. - Máhttá Árran oassálasstet kulturfágallasj máhtudagáj mij siján le, ja

navti lij dat máhttet liehket sijá viehke Måskesebrudahkáj, javlaj Harrieth Aira, masi tjáhkkanibme guorrasij.

### Bisodit bájkálasj dájmvav

Barggojuohkusa njunnusj, Ronny Nergård hasodij tjáhkkanimev galgalulujin bájkálasj dájmvav bisodit. Divtasvuona suohkan le mierredam prosjevta ávdás vásstádusáv válldet jus oadtju, valla barggojuogos oajvvat gálmma vihtta ájrrasis bájkálatjat välljiduvvi. - Lip dudálatja tjáhkkanimijn. Suohkan le vuosedam mielav ja doajmmelisvuodav. Lip dájmadam vaj ulmutja li bessam vuojnojt ja árvalusájt ássje birra buktet ja vilá jáhkkep ávddáprosjækta máhttá tjádádusáv ja aj oajvveprosjækta rahtev áttjudittjat, javlaj mielos Nergård.

### Doajvvo Musken Laks'aj

Barggojuohkusa ulmme le læhkám rudájt áttjudit ávddáprosjækta ja nav aj ávddálij sjaddá. Dálla luohtedi Musken Laks AS'aj gudi li 60 000 krávná juollodam. Áhtsin 200 000 krávná. - Barggojuohkusin lidjin stuorra vuorddemusá Musken Laks galggin nannusit oassálasstet ruhtadimbielen Måskerahtes. Oadtjun konsesjávnajt navku jagen 2002 álgoálmukperspektivvijn vuodon. Duodden dajda guhtta bájkálasj barggosajijda mij dát vattij, vuorddep ienebuv, javlaj Ronny Nergård. Dálla bierru vidnudahka máttijn millijávnájn ruhtabáhtsusijn stuoráp sebrudakávdásvásstádusáv válldet ja oassálasstet infrastruktuvra buoredimdiehti. - Rahtásj 14 km. Ma li da

dan stuorra aktijvuodan? – Dát le biehttem sáme bájkálasj sebrudagá vuossti. – Musken Laks stuorra luohkkojt vuonas viedtjá, de vierttiji aj juojddáv ruoptus vaddet. – Musken

Laks'an le millijávnáruhtabáhtsos, de li 200 000 krávná binná rudá. – Ep la dudálatja 60 000 krávnáj. – Rudá

vuodnarájge davás manni, dássju virgálatjat værurudá báhtsi. – Da 20 millijávná ma loabeduvvin gå konsesjávnajt navku oadtjun gáhtun. Dát le biehttem Måskesebrudagá vuosstij. Návti muhtema javllin.

### Rahte ja sebrudakguoradallam

Barggojuohkusa tjálle, Lars Th. Kintel tjielggij rahteprosjækta manná sebrudakanalysaoase buohta gánná le

stuoráp gállomerustallam gå rahtedahkama ávddáprosjevtan. Sebrudakguoradallam galggá sisadnet ælåduslápptimav, guoradallamav ja skávlá anov ávddálijguovlluj.

- Divtasvuona suohkan dájmat dáv prosjevtav lahka aktisasj bargujn Árranijn, ja tjoahkkáj le gállomerustallam

KAJA ANDERSEN

1 millijávná krávná. Dá guokta prosjevta li juogedum mij guosská ruhtadibmáj, valla le aktisasj ulmme: Måske boahteájgge, subtsastij Kintel. Goappátjijn juohkusijn le gesisik stivrimjuogos.

- Ájggop suohkanav prosjevta dájmadiddjen ja sihtap vilá buoragit Sámedikkijn guládallat, tjoahkkájgiesij Ronny Nergård.

« *Lip miellusa ja dasi jahkep* »



**Gáddáj lávkkiji.** Moattes báhtin jáhtelisvantsajn Ájluovtas ávdedittjat Måske boahteájge ássjev. **GÅR I LAND.** Kom mann- og kvinnesterke med hurtigbåten fra Drag for å tale Muskens fremtid sin sak.